

北洋官報

錄目

宮門抄

交旨
 奏議◎吏部奏核勞績保舉辦法片△民政部奏整頓
 內外城警政摺△直督奏津浦路款請撥案加收鹽
 捐摺△甘肅升奏購製文廟禮樂各摺摺
 公體◎督憲札二件△運司詳一件△天津道府縣詳一
 件△禁煙局詳一件△文移一件
 文告三則△電報四則△新聞十四則
 彙編◎造版公司續招股才新章
 戊申官報目錄

本局法政官話報第二十九期現已出版仍照舊例分發順直各州縣作為宣講之資特此廣告
 本日 增刊 戊申 官報 目錄 一頁

宮門抄

正月二十八日 理藩部 廂藍旗值日 洵貝勒等由 西陵回京請 安 姚錫光等署缺謝

恩 岐公續假十日 召見軍機 洵貝勒 倫貝子 澤公 鹿中堂 洵貝勒等 江春霖各遞封奏
 一件

上諭

正月二十七日內閣奉

上諭陸軍部右侍郎著姚錫光署理欽此

上諭陸軍部左丞著朱彭壽署理許秉琦著署理右丞左叅議著慶蕃署理錫嘏著署理右叅議欽此 監國攝政

王鈐章 軍機大臣署名

正月二十八日內閣奉

上諭貝勒載洵等奏

崇陵工程請擇吉動土等語著欽天監於本年二月十五日以前選擇動土吉期具奏

欽此

上諭四川巡警道員缺著高增爵補授欽此 監國攝政王鈐章 軍機大臣署名

交

旨

正月二十八日 軍機大臣欽奉

諭旨載洵等奏查勘 崇陵工程情形一摺知道了又奏查看 妃園寢地勢繪圖貼說一片知道了圖二

件留覽欽此

奏議錄要

吏部奏定考核勞績保舉辦法片

再現在捐例已停勞績保舉之員日多考核稍疏易滋弊混自非明定辦法不可查定例議叙各員於奉 旨後 均發給部照以備查考勞績保舉事同一律擬請嗣後無論何項保案或奉 旨允准或由臣部議准俱俟奉

旨後按照議叙定例均繕發執照節令列保各員隨時具領予限二年不得藉辭延宕此後領照各員由所保官 階或加捐或保升或補缺必須將勞績執照送部查驗相符再行分別核准其從前已得保舉人員亦即照此辦理 庶得保之員俱有部照可憑雖案隔多年亦易考核臣等為慎重名器嚴防冒混起見謹附片具陳伏乞 聖鑒 謹 奏宣統元年正月二十一日奉 旨依議欽此

民政部奏整頓京師內外城警政酌改廳區制度等摺

奏為整頓京師內外城警政酌改廳區制度等摺 聖鑒事竊維 臣部總攬全國內政而警察為內政之要端於將來編審戶籍選舉議員尤有密切之關係上年憲政編查館資政 院奏定逐年籌備事宜單內各省廳州縣巡警限第二年內粗具規模限第三年內一律完備第四年籌辦各鄉鎮 巡警第五年推廣鄉鎮巡警限第六年粗具規模第八年一律完備以上各節均為臣部與各督撫同辦之件臣部 自應通盤籌畫次第施行以固國安而成 邳治伏念京師首善之區為各省之表率欲推廣各省巡警自以整 頓京城警政為入手之辦法從前臣部奏定京師內外城巡警廳區制度以分區直接管理地面以分廳管轄各區 而以總廳節制各分廳計內外城地面總廳兩所分廳五所分區四十六所立法之初意在圖規制之完全自不嫌 組織之過密而設官既衆需人自多積久相沿遂不無濫竽充數之弊前年臣善者到任後體察情形往往有任非 所習用非所學一經切實程功輒多敷衍塞責者因擬設法淘汰逐漸清釐當即就部內設立法政研究所嚴定課

程飭令兩廳人員輪班講習以畢業之等差爲委用之先後又於上年論飭內外廳丞酌將內城原設之二十六區併爲十三區外城原設之二十區併爲十區藉資節省當飭部廳各員預算兩廳用款計津貼巡餉經費三項每月已不下七萬金而巡警人數尙苦不敷分布竊查東西各國首都警廳官制奏任以上之官大抵不及百員現在警務甫漸擴充而用人已增數倍又總分廳區遞爲管轄層累既多徒見文書往復之煩轉欠命令統一之效若不大加整頓誠恐各省辦理警務輾轉取法糜費益多現值財力支絀之際遇事擴張勢將難乎爲繼臣等悉心體驗再四籌商與其多設廳員不如多用巡警擬請將京師內城中左右三分廳外城左右二分廳一併裁撤其內城各分廳原轄之十三區外城各分廳原轄之十區概歸總廳直接管理俾遇事迅速直達易於有功所有裁缺之各分廳知事及以下各員分別調歸臣部或內外總廳酌量改補任用內外總廳除廳丞總僉事員缺悉仍舊制及每廳原設總務行政司法衛生等四處仍由總僉事分領外每處各設科長科員分別以五六七八九品警官充之計每處五六七品警官各一員八九品警官各二員每處限定七員每廳四處共二十八員兩總廳共五十六員內廳轄十三區外廳轄十區每區各設區長一員區員一員分別以警官充之計內外城二十三區共四十六員統計內外城廳區員缺除廳丞二員總僉事共八員外所有五六七八九品警官員缺內城五十四員外城四十八員共一百零二員作爲定額至各廳區巡官長警應按照地方繁簡市街形勢酌量分布如有不敷再行隨時增設其兩廳總僉事以下各員有當差雖屬勤奮而於警察法學未嘗研究有素者擬即調回臣部俾資練習嗣後廳區人員應專用政法畢業生其從前調用各員有非由學堂出身者一律送入臣部巡警學堂分班肄業俟畢業考驗後再行按照等差分別任用一面酌設巡警教練所爲養成巡官長警之地現在各區巡警內有原出招募未經教練者概令更番抽換入所補習以爲逐漸改觀之計務期事有實際款不虛糜以仰副 朝廷籌辦憲政之殷懷而立各省推廣警務之模範此外臣部直轄各局所均擬分別緩急酌量辦理其調用各員有僅係在部行走未經派有要差者亦擬查照前奏諮議官章程分別改爲一二三等諮議官不限定常川到署亦不支給薪水遇有應行諮詢各件令其隨時條議以備採擇庶於集思廣益之中仍不失制節謹度之意所有臣部暨內外各廳區出入款項應即切實清查照度支部奏定辦法將現在已籌及將來應籌之款統交部庫收發仍將出入數目詳細統

計造具清冊按期咨送度支部以便綜核而資稟益謹將擬改內外城巡警廳官制章程繕具清單恭呈 御覽
如蒙 俞允臣等即當督飭內外城廳丞遵照施行所有整頓京師警政酌改廳區制度并限定額缺各緣由是
否有當謹恭摺具陳伏乞

皇上聖鑒訓示遵行謹 奏宣統元年正月二十一日奉 旨依議欽此

謹將擬改內外城巡警廳官制章程繕具清單恭呈 御覽 計開 一京師內外城設巡警總廳各一總理京
師內外城巡警事宜 一巡警總廳應設職員如左 廳丞內城一員外城一員秩從三品 簡任 總僉事內
城一員外城一員秩從四品 奏補 僉事內城三員外城三員秩正五品 奏補 五品警官內城四員外城四
員 奏補 六品警官內城十員外城九員 奏補 七品警官內城十一員外城九員 奏補 八品警官內城
十四員外城十三員咨補 九品警官內城十五員外城十三員咨補 一廳丞承民政部尚書侍郎之指揮監督
總理該管一切事宜 一總僉事僉事及警官承廳丞之指揮監督分理本管一切事宜 一巡警總廳分設各處
如左 總務處 行政處 司法處 衛生處 一總務處以總僉事領之以奏補警官三員咨補警官四員分充
科長科員 一行政處司法處衛生處各以僉事一人領之每處以奏補警官三員咨補警官四員分充科員
一巡警總廳分設各區如左 內城分設十三區 外城分設十區 一巡警分區各設區長一員以奏補警官
充之區員一員以咨補警官充之 一巡警總廳各得設司書生至多不得過三十名分區各得設司書生至多不
得過三名

直隸總督楊奏直隸應攤津浦路款請援豫案加收鹽捐摺

奏為直隸應攤津浦路款據紳士請援豫案加收鹽捐以濟要需恭摺仰祈 聖鑒事竊據直隸紳士民政部右
丞劉彭年學部右丞孟慶榮郵傳部左丞李焜瀛大清銀行正監督張允言翰林院侍讀學士惲毓鼎侍講學士李
士鈔掌遼瀋道監察御史史履晉候選道王毓芝候選同知馮恕等呈稱津浦鐵路暫借洋款興修由直東蘇皖四
省招股籌款十年後歸還洋款作為官商合辦直隸計地攤款合銀七百餘萬兩為數過多招股殊覺不易查食鹽
一項人所共需豫省因自辦鐵路所有行銷河南之鹽每觔加價四文提充路款上年正月間經前任河南撫臣林

紹年奏奉

硃批該部知道欽此欽遵在案查蘆鹽行銷直豫兩省豫省因路款加價四文而直省未加今直

省亦因路款照加四文事得其平商民自無異議至於民間每日每口食鹽不過三錢全年統計不過多費二十餘文並不為難而積少成多每年可得銀五十餘萬有此大宗的款其餘不難湊集此項加價即作為鐵路股本仿照豫案以二文歸商以二文歸民由公司發給股票作為永遠財產十年之後鐵路所進餘利按股照付歸商者付給該商歸民者付給各州縣本地紳民以備地方辦理公益之需一俟十年期滿洋款還清即將此項加捐停止以紓民力等情當經行司核議茲據運司張鎮芳以與豫案相符議請援照辦理詳奏前來臣查津浦鐵路關係大局直隸計地攤款其責任為全省人民所共擔其權利亦應為全省人民所共享據請長蘆行銷直隸食鹽每觔加價四文提充路款分給商民股票作為永遠財產此項加價十年期滿即行停止雖暫累於目前實食利於日後既非尋常加價歸公者可比又與豫省奏准之成案相符合無仰懇 天恩俯准照擬辦理以裨路政理合恭摺具陳伏乞

皇上聖鑒訓示謹 奏宣統元年正月二十五日奉 旨該部知道欽此

陝甘總督升允奏甘肅購製 文廟禮樂各器支用銀兩摺

奏為甘肅購製 文廟禮樂各器以重禋祀而肅觀瞻恭摺仰祈 聖鑒事竊光緒三十二年欽奉

諭旨孔子德配天地萬世師表允宜升為大祀以昭隆重一切應行典禮該衙門議奏欽此嗣准禮部咨開奏定典禮事宜一摺奉 旨依議欽此欽遵咨行前來煌煌鉅典薄海同欽伏查甘省僻處邊隅迭遭兵燹

廟彝器本未完全奴才抵任以來恆引為深疚茲幸逢 曠典特頒 先師升祀既極崇德

報功之意宜有禮明樂備之休因飭由司道派員赴滬照章採購並由甘添製一切所有八音之奏八佾之舞以及

簠簋豆籩之羅列尊彝彝鼎之燦陳均已煥然一新秩然大備來年春秋釋菜冠裳濟蹕當想見 至聖金聲

玉振之留遺益足動邊人血氣尊親之嚮慕茲計購製禮器樂舞等項共支用過蘭平銀五千二百三十七兩零甘

庫向無閒款可支擬即作正開銷據司道造具清冊會詳前來奴才覆查無異除咨部核銷外理合恭摺具陳伏乞

皇上聖鑒訓示謹 奏宣統元年正月二十三日奉 旨該部知道欽此

公牘錄要

督憲楊准陸軍部咨嗣後選募新兵務須合格札飭陸軍各營鎮暨兵備處切實辦理文

爲札飭事案准 陸軍部咨開爲咨行事照得創興軍政首在嚴兵丁之品格尤貴定訓練之宗旨兵丁品格以身體強壯志趣純正爲要訓練宗旨以明恥敦戰恪守紀律爲重由訓練之宗旨定兵丁之選格則志氣不致乖張嚴兵丁之選格求訓練之實行則教育易收成效故未入伍以前極宜慎選成軍而後尤貴詳查前練兵處會同兵部奏定營制餉章內有募兵制略一條於兵丁選格召募辦法言之綦詳自應遵照辦理至徵兵一節現今各國皆著有成效原可仿辦然必俟戶口查清法律頒定地方自治已有基礎國民教育稍具端倪始可施行目前仍以選募土著爲主以作將來徵兵之基礎但兵士之知識技術必以忠愛武勇之性質敵愾禦侮之精神固結洽始有神益嗣後選募兵丁務擇身體強壯志氣堅定忍耐勞苦來歷明晰之人如係軟弱及浮囂者雖能通曉文理亦不錄取入伍後時以忠愛大義兵丁要務服從命令遵守紀律等事切實訓練導至已成之軍應由各營隊官長分別稽查詳細考察倘有來歷不明捏造保結或資格不合者均即剔退務使兵皆致用弊端不生俾全國軍人同心協力以固邦基 朝廷預備立憲軍政一端所關最鉅兵丁之品格不善即訓練無由而施武備何能振興希轉飭所司按照奏定章程及此次咨行各事宜切實辦理以防弊竇而期進步相應咨行貴督查照辦理可也等因到本大臣准此除咨覆并分行外合行札飭札到即便遵照切實辦理此札

督憲楊札飭造幣津廠裁汰各員文

爲札飭事案查前奉 上諭嚴飭崇儉節奢令將掛名津貼之款項認真淘汰等因當經本部堂將各該局所總會辦及隨辦各員嚴加裁汰一面通飭將提調以下掛名各員司由各該局所認真裁汰在案茲據該廠開摺呈請示遵前來查該廠提調阮貞元繙譯侯良登自應裁汰合行札飭札到該廠即便遵照自本年正月起停支薪水此札

運司詳覆鉅鹿縣稟請將傳習所辦理情形報縣核轉已飭興利局轉飭照辦文並批
爲詳覆事宜統元年正月初九日蒙 憲台批據鉅鹿縣稟請轉飭該縣織工傳習所將所內辦理情形并售賣呈

狀錢數報縣核轉請示遵緣由蒙批據稟已悉仰運司核議飭遵具覆并移工藝總局查照稟抄發此繳等因蒙此查此案前據該縣以前情具稟到司當經札飭長蘆善後興利局葉縣丞樹仁轉飭該所照辦在案茲奉前因應飭興利局葉縣丞樹仁轉飭該所查照前札嗣後將所內收過呈狀錢數暨辦理事宜按季報縣以憑轉報除分別移行外理合具文詳覆 憲台查核

督憲楊 批據詳已悉繳

天津道府縣詳覆商務總會查驗信義儲蓄銀行資本相符請核咨文並批

爲詳覆事竊於光緒三十四年十二月初六日奉 憲台札准 度支部咨開信義儲蓄銀行運到資本十萬圓飭令地方官會同商會查驗確實並取具殷實商號保結報部核辦轉飭查照辦理具覆等因奉此遵即照會遵辦去後茲據天津商務總會總理王賢賓協理甯世福稟稱遵與商業儲蓄銀行總理李靄討論一切均與定例相符即准送驗憑摺四扣計義善源存銀三萬兩天津銀號存銀一萬兩謙順銀號存銀二萬兩德成厚銀號存銀一萬兩共銀七萬兩核洋十萬圓奉飭由職會先行選派會員挨號驗明銀數無訛取具義善源等公函存卷隨據謙順號投送保結前來職會覆查無異除將憑摺四扣送交天津銀號查收外所有遵飭驗明儲蓄銀行資本緣由理合檢同保結稟呈查核詳覆等情據此職道等覆查無異除稟批示外理合檢同呈到保結具文詳覆 憲台核咨爲此備由具呈伏乞 照詳施行須至詳者

督憲楊 批據詳已悉仰候咨明 度支部查照此繳

直隸禁煙總局詳柏鄉縣創辦戒煙局員紳異常出力請給獎勵文

爲詳請事竊職局據柏鄉縣知縣馮汝驥稟稱竊卑職疊蒙憲局札飭禁止栽種封閉煙館限制吸食並發憑牌各照業經次第遵辦稟明在案查卑縣於本年三月間在縣城西街創設戒煙總局選派李紳希沆劉紳振榮等經理其事並派卑縣代理典史鄒魯充膺該局醫官又於五月間在城南小里村城北固城店添設分局兩處派卑縣代理巡官趙玉珍充各局總稽查業將創辦情形開局日期並歷屆戒煙人數疊經稟報 憲鑒各在案現在統計戒淨人數約有六百餘名來者仍源源不絕卑職查禁煙爲自強要政各局創設甫經半載戒淨人數已有如此之多

似此成效昭著流弊毫無殊非初料所及雖經卑職籌款維持飲食藥料不取分文並赴各鄉屢次演說極力勸導不無感化然非該局在事人員熱心公益况瘁不辭款待有方照料周到必不能來者如歸大收厥效卑職考成所不敢告勞惟在事諸人或理醫藥或任稽查或司董勸一班戒淨一班復續無片刻之稍暇實勤奮之異常且有領薪水甘盡義務者其血誠尤屬可嘉現屆年終徵勞足錄未便壅於上聞似應擇尤請獎以昭激勸而資推廣卑職查典史鄒魯樸實耐勞代理一年甚爲稱職自兼充該局醫官尤能認真其事卓著辛勤至局紳李希沆劉振榮自創辦以來始終不懈代理巡官趙玉珍不領薪水稽查各局昕夕不遑均爲異常出力之人可否仰懇 憲恩移請藩憲將該典史鄒魯遇有缺出首先委署一次並祈轉請賞給局紳廩生李希沆生員劉振榮趙玉珍五品獎札以示鼓勵伏候 憲裁所有卑縣創辦戒煙局在局出力員紳擬請獎勵緣由理合馳稟 大帥核奪俯賜批示祇遵等情據此伏查 總理禁煙王大臣奏定查驗章程第十條凡京外各直省公立戒煙局所創辦員紳及各處醫士列表填註備案其診施有效斷煙人數最多者年終由各督撫查明分別奏獎以虛銜封典獎札匾額功牌一面奏咨立案惟不得有逾 吏部定章以期畫一又查 總理禁煙王大臣調查京外各府州廳戒煙局所會社表規例第九條每半年調查一次如果著有成效分別奏咨獎勵及各項獎勵今據柏鄉縣稟稱設立戒煙局選派廩生李希沆生員劉振榮趙玉珍經理其事始終不懈又派代理典史鄒魯充膺醫官異常出力統計戒淨人數六百餘名似屬診施有效應否賞給局紳李希沆劉振榮趙玉珍五品獎札並移知藩司將該典史鄒魯遇有缺出首先委署一次以昭激勸之處理應詳請 憲台鑒核批示祇遵實爲公便爲此備由具呈伏乞 照驗施行須至詳者

督憲楊 批如詳准將該縣代理典史鄒魯遇有缺出首先委署一次仰即移會藩司註冊飭知茲發去廩生李希沆生員劉振榮巡官趙玉珍五品獎札各一件併即查收轉飭給領以示鼓勵仍移行司道州查照繳

又移會津海關道文

爲移會事案查本局設立戒煙醫院自前年九月開辦至今領藥者絡繹不絕已戒斷三千餘人現復經本局製造姜棗丸補正丸等各項戒煙藥分送天津保定四鄉巡警各局區代爲施捨惟租界居民甚衆亦須設法發給因思

各國領事熱心公益必皆樂於贊成擬請由貴署咨會各領事示知租界居民一律赴本局醫院領取丸藥實於禁煙前途深有裨益除與國租界已由工程局議員何承朝錦代發外所有各國租界相應檢具戒煙方單移會貴署請煩查照轉咨並覆望切施行須至移者

文告錄要

督憲批示錄要○陸軍第四鎮申請年終考試正副目兵樂兵加級給獎札功牌由 批據申并表摺均悉所請考試正副目兵樂兵按級加獎應即照准隨批填發五品獎札二道六品功牌八張七品功牌七張八品功牌十一張九品功牌一百五十五張仰即轉給祇領繳摺存○警務處詳唐山縣詳請獎勵巡長張殿魁由 批據詳已悉唐山巡長張殿魁襄辦該縣警務出力應准獎給九品功牌以示鼓勵茲將功牌隨批印發仰即飭縣轉給祇領此繳

學台批示○完縣常莊邨初等小學堂學董周國墉等爲學款糾葛懇請劃清界限一案 批此案既經官紳公議勿再爭執以免糾葛○新樂縣總董李永年稟陳明勸學始終情由乞告退委任一案 批該董辦事實心性情緜密久爲學界所稔知據稟等情益見該勸學之力仰仍實力進行勿萌退志爲要所控之劣紳候行縣查辦此批

直隸禁煙總局公函○致天津四鄉巡警總局 敬啓者敝局設立戒煙院自前年九月開辦至今領藥者絡繹不絕已戒斷三千餘人現復經敝局製造姜棗丸等各項戒煙藥今送天津保定巡警各局區代爲施捨惟四鄉居民甚衆亦須設法發給相應檢具丸藥函送貴局請煩查收分飭四鄉各局區給發實級公誼計送姜棗丸二十包補正丸三十包

電報錄要

路透電○英國議院現在開議英皇親臨演說謂伊甚歡悅此次赴柏林遊歷德國官民異常歡迎以後英德邦交必益加親密并可保守大局和平英國現與列強之邦交仍以和平爲宗旨近日波斯政界甚爲紛亂殊堪憂慮

因該國之人決意要求設立議院現英俄兩國已設法代為辦理近東巴洛堪半島交涉問題現有轉機可望和平了結至於英國去年提議老人恩賞銀海軍擴充費等問題未免太過因英國財政須特別議訂辦法現在議院開議須將愛爾蘭地故章程停止建設威利士禮拜堂安置無業工人設立工黨協會等事議妥并將老人恩賞銀表式改正宣布云

又電○英國兵部大臣哈爾敦氏與英屬澳大利亞與坎拿大武員會議將加增常備軍問題議妥

柏林電○土耳其新內閣必能實行憲法因希洛米氏充經理大臣希氏聲稱土耳其其外交之宗旨仍不改變奧國

因希氏充土國首相甚為滿意

又電○墨西哥西部阿喀布洛克海口某劇館失慎焚斃三百餘人

又電○德議院提議添撥國款協濟德國輪船公司以便擴充紐智尼亞澳大利亞香港新嘉坡等處航業

新政紀聞

政治

通飭淘汰司員○樞府通飭各部院將所有各司人員詳細查核酌量裁汰從速辦理限期奏聞以杜濫竽之弊云

查明違禁賣煙名單○直隸禁煙總局查出靜海縣開燈賣煙及不領牌照各家開列於後 劉福成 張順圃 孫六 恩興號 于成雲 熊光明 福德成 徐歪脖 以上計開燈賣煙共八家 方肖峯與其妾 方書

貴 陳立興 張起才 劉五先生 劉三先生 劉恒 張海三 趙金三 以上計未領牌照吸戶共十名

又查出南皮交河兩縣開燈賣煙各家開列於後 張常 張行顯 劉長齡 以上開燈賣煙三家係南皮

縣屬地 常跋 楊玉山 李文成 馬振河 王守業 陳五奎 周鴻振 段潤生 蘇英和 蘇長 辛

佳純 王洛泰 祁振海 石義和 李元盛 王洛四 董長齡 龍海泉 邵玉川 吳德先 王錫範

高文資 劉景文 劉得勝 以上開燈賣煙各家係交河縣屬地

籌議設立董事會○江蘇揚州江甘兩邑紳董以省垣諮議局成立後各府州縣均須設立董事會以資輔助現在

調查選舉事竣亟應組織此會以爲將來籌畫公益開辦自治之計日前各紳董在籌辦諮議事務所籌議一切學務

學部咨送簡字課本○學部上年所編輯之國民必讀及簡字課本業已編輯妥善日前已將原書大概咨送憲政編查館查照以便及早頒行

小學不准兼習洋文○浙省提學司通飭十一府高初兩等小學堂文云今據公所科員稟稱省中各校會考已畢本司核閱國文雖無大荒謬然未始非因外國語文鐘點過多之故致令本國文字反無進步本應擇其文理尤劣者將英文一科功課停止惟念學生中有將來改習農工商實業不能入中學堂者不得不兼習外國文以爲謀生之計且習之已久略有程度若遽令輟業實有未便又各校抽停頗近紛擾茲本司酌定辦法如有在通商口岸附近之處及不能入中學堂者必須預先呈明經本司核准之後始令兼習然必在學堂課程時刻之外萬不准減少讀經講經及中國文字功課鐘點且必在入校一二年之後未經核准者概不准習畢業考試亦不准列入分數至初等小學則概不准兼習經此次誥諭之後如有陽奉陰違仍前荒棄國文者經省視學查出報告本司必治以硬令之罰決不姑寬

軍政

催解海軍學費○陸軍部現以留日海軍駕駛生學費一事今既改由各省解部轉發值此振興海軍之時此項學費甚關重要現屆第四學費之期特通咨各省速行解部以備轉發

部查陸軍學生名冊○鄂督陳夔龍現准陸軍部咨以去年湖北設立陸軍小學堂爲預備升入中學堂地步請將該堂學生姓名籍貫曾在何學堂畢業詳細造冊咨送本部云云夔帥當即札飭陸軍小學堂監督荊州協參領恒齡遵照辦理矣

財政

諭飭速造統計表○內務府大臣日前諭飭司員將去歲所有一切出入各款及白差所辦事宜并各款項速造成統計表以憑攷核

飭設財政調查處○江蘇鎮江府承瑞卿太守近奉江督端午師札開准度支部咨稱近因各省財政支絀各府州縣報銷各款仍未核實殊非力求整頓之本意特通咨各省督撫速飭各府州縣一律添設財政調查處選舉本地公正鄉紳協同辦理每季列表報部以憑考證等因太守當即通飭各州縣遵照

實業

工商研究彙誌○天津銅鐵兩工於二十二晚合併開會研究仍在東馬路研究總所內首由銅工會員宋利生提議現時紅銅行市復由會員張純一講論鍍銀鍍金各法旋由會長孫思吉帶來機器圖一紙當即陳於桌上共相研究末由鐵工會會長劉輔臣論及西洋機器製造鐵鍊鐵釘各法並演說魚雷艇巡洋艦砲船戰船各種內容并用法又二十五晚為竹工竹商兩會研究之期首由竹工會會長苑士林提議該行生意困難情形復由帽商會長張春祥提議帽商去歲生意頹敗之原因旋由會員等論帽行生意非代售洋廣各貨不能賴以支持末由宋總會長演說斯密亞丹所著之原論至十一鐘閉會

擬設整婦習藝廠○淮北向設有郵棧局一所其經費係由正陽鹽釐局飭由湖販按引捐繳歷年已久老弱孤貧之婦積至九百餘名每月開支四百數十文近年湖販苦累日甚銷數漸少收不敷支不得不設法改良該局總辦徐直牧現擬將該局改為習藝廠并另籌款項購置織布機十架並織毛巾機十架擇地建廠凡整婦年在三十以上者皆令入廠習藝日給飯食錢文習成後常川留廠仍按所織之物多寡給予工資將來辦有成效再行添機擴充聞已稟請運憲核示辦理

路礦

鐵路學堂批准立案○蘇城盤門新橋巷鐵路學堂自開辦以來迄未立案本年因建築科生將屆畢業由總理王清穆等將該校辦理成績暨教員教授各法學生一切功課均詳細開列呈報郵傳部備案茲已奉到郵傳部批示准予立案並飭俟畢業後送部考試擇其程度較優者派赴各省充任鐵路建築事務以資提倡
設立化礦試驗場○湖北礦政調查局刻擬創辦化礦試驗場所有蓋造房屋購辦機器在在需款該局總辦魏觀察允恭已具稟督院請飭在官錢局撥銀二萬兩當已奉陳筱帥批准飭局如數動撥

一角

第十三條 本公司股票限於中國人如股票售與非中國人其股票作廢

第十四條 本公司開創之初曾荷直隸實習工廠襄助一切約以每年由餘利中提二十分之一(即百分之五)作爲報酬

第十五條 本公司每年正月結賬一次除付官利及各項開銷外所有盈餘作爲百成其分配之法如左

甲以五成報酬實習工廠

乙以十成提作公積

丙以六成酬董事四成酬查賬人五成酬經理五成酬技師五成酬同人(同人分配之法由董事經理酌定)
丁以六十成分配股東

第三章 股東會議

第十六條 本公司每年正月開股東通常大會一次由董事局訂期招集於前十日登報通知

第十七條 通常會議時應辦之事如左

一 董事報告全年銀錢出入買賣情形及賬目利息各事

二 改選董事查賬人

三 商議董事及股東提議各事

四 股東查看年總

第十八條 遇有緊要事件須與股東會議可由董事局知照股東開臨時會

第十九條 如股東有十人合有全股十分之一者同意亦可知照董事局開臨時會

第二十條 凡招集股東會無論通常會臨時會通知時皆當載明開會之本旨

第二十一條 凡股東會議決議權不論新股舊股交足五十元者得有一決議權

第二十二條 凡大會決議各事以股東決議權過半數決之如可否各半則由首席決定之

第二十三條 不滿五十元之股東得與他股東湊成五十元推舉股東一人爲代表

第二十四條 凡開會時本人不能親到可託他股東或董事代表須將受託之憑據或股票交本公司驗看

第二十五條 凡開會時如有股東不能親到亦未託人代表應卽作爲默認不得事後再生異議

第二十六條 凡非本公司之股東不得爲股東之代表人

第二十七條 凡開大會皆以董事長爲首席

第四章 職員

第二十八條 本公司公舉董事三人查賬人二人須有股本全數四百分之一者方能被舉

第二十九條 董事三年一任每年輪換一人（初期三年皆滿任先退一人二人留任次年再退一人一人留任

又次年則其一人亦退此後每年任滿者祇一人按年輪換）查賬人一年一任期滿後皆可連舉連任

第三十條 凡選舉於股東通常會時行之

第三十一條 聘經理工廠長技師各一人無論股東非股東均能聘任

第三十二條 董事查賬人未滿任期而自請告退或因有過失而應解職者以前股東會所舉之次多數推補

第三十三條 董事與查賬人皆祇分餘利不支薪水

第五章 董事局

第三十四條 董事局以三董事組織之

第三十五條 三董事互舉一人爲董事長

第三十六條 董事職權如左

一有進退經理工廠長技師之權

二有酌定經理工廠長技師薪水之權

三有核定所辦各事規則及購料興工各事宜之權

四有措置動用銀錢之權

二十六日

督憲楊准熱河都統咨熱河礦政應如何劃分區域及籌議接洽之處俟查復到日再行分咨札飭礦政調查局查照文

懷來縣王令忠廉稟到任後整頓學堂巡警工業樹藝情形文

宣化縣暢令文藻詳職商試辦煤礦與地方尙無窒碍文

文

二十七日

藩學兩司詳請獎辦理警學出力紳董文

滄州趙牧惟慶稟上年州屬官引暢銷實在情形文

天津縣議事會中學台奉函補鈔天津廟產辦法文

涿州林牧際平稟學台士紳發起教育分會開送會規請示立案文附清摺

二十八日

運司詳直屬賣鹽銅元運赴各大埠易銀請示遵文

直隸警務處職員朱庭楨等稟學台籌辦清苑地方自治期成會規則呈請示遵文附規則

新河縣江令開泰稟擬將滌陽河開濬造閘興修水利請准發公款委員勸估文

二十九日

北洋機器局稟請飭官硝局先備毛硝趕運德州其餘陸續趕解文

大名縣李令綺青稟奉飭改良巡警情形文

四川鐵路公司駐京總理喬樹枏呈郵傳部預防川路借款事宜文

運司詳復遵飭查明豫岸火車運鹽數目請核咨文

武邑縣石令之璞稟學台添設小學暨辦運動會情形文

通判胡長年稟請設監獄學堂文

直隸警務處詳復遵飭派員考驗沙河縣傳習所畢業生文

赤峰縣俞令良臣稟整頓國法創立商會文

黑龍江提學使詳撫院擬師範甲乙班各屬高等小學畢業升入中學文

督憲楊准東撫咨修濬運河添駛小輪估修情形札飭天津通水道查照文附錄原電

大名縣李令綺青稟大名官電擬懇恩准府縣免費文

四川鐵路公司會同各司局詳督院擬定川漢鐵路購

地章程請核定咨商文

初三日

直隸工藝局詳勸工陳列所教育品製造所三十三年所售入覽票數文

初四日

郵傳部咨川督等川路實無議集外股請飭一體查察文

阜平縣葉令嗣高稟鹽勦收進銅元酌量價目文

天津商會稟請道台轉飭保護保險公司文

四川合州桂牧梁材稟開辦幼孩工廠文

灤州留東自治學員吳鳳樞稟學台條陳自治簡章文

初五日

直隸調查局詳覆憲法研究所碍難歸併文

總理團場屯墾木植事宜何道昭然稟報開地交租情形文

形文

萬全縣學董馬增濂等稟學台丁未年所辦各事條目文

文

初六日

礦政調查局詳礦務新章條款恐有悞會請再轉咨核定文

定文

東鹿縣圖令駿業稟查勘地勢碍難舉辦農田水利文

河南巡警總局詳撫院核議祥符縣兵車局紳董稟請免繳車捐文

初七日

督憲楊准外務部咨出使英國大臣咨送香港禁止刊布悖逆言論條例請飭仿照酌定章程嚴密查禁札飭司道遵照文

督憲楊准外務部咨姜提督會辦江防所發電報應與長江水師提督一律辦理札飭津滬電局遵照文

保定商會稟商界戒烟會文附簡章

天津職員劉銜琛稟學台醫藥研究會開會施醫附立中醫小學兼速成科各情文

廣東巡警總局札委畢業學員調查西江警務文

初八日

蔚州萬牧和寅詳勸學所擬詳私塾改良章程文

昌平州學董孟維源稟復學台丁未年已辦未辦學務事宜文

初九日

吉林濱江道稟督撫兩院請准運小麥木料出口照章徵稅文

督憲楊准郵傳部咨轉飭所屬凡有私運銅元不由鐵路經過者一體查拿究辦文

初九日

督憲楊准郵傳部咨轉飭所屬凡有私運銅元不由鐵路經過者一體查拿究辦文

初九日

初九日

督憲楊准郵傳部咨轉飭所屬凡有私運銅元不由鐵路經過者一體查拿究辦文

路經過者一體查拿究辦文

欲為諮議局議員者

總發行所 上海商務印書館
分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任繁重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論一元七角 法制經濟通論二元 政法理財講義五角 日本法制要旨一元 日本明治法制史九角 政治講義五角 法律經濟辭典布面七角 紙面五角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 日本預備立憲過去事實五分 立憲國民讀本三角

◎議會書 日本議會法規四角 議會政黨論五角 十六國議院典例一元 日本議員必攜角 地方自治淺說三角 此外政法書之尤重要者

◎法律 有則日本法規大全 陸市政論一元 地方自治財政論五角 地方自治淺說三角 之二冊 日本六法全書五角 比較國法學一元 國法學行政法汎論一元二角 萬國國力比較六冊定價二元 政治有則列國政要三十二冊 政治學一元 那特磴政治學四角 政治汎論一元二角

◎財政 有則經濟通論七角 理財新義五分 英國社會通詮一元 嚴復羣學肆言一元 嚴復羣己權界論八角 財政有則經濟通論七角 理財新義五分 英國度支考四角 國債論三冊 計學教科書一元 理財學講義四冊 計學淺訓五分

◎教育 有則日本明治學制沿革史五冊 歐美教育實際二元 德國學校制度四冊 警察則警察講義錄十四冊 雖卷帙較繁 議員苟有餘力而兼治之 則受益無窮矣 尙有諮議局章程箋釋四冊 諮議局章程要義二冊 諮議局調查須知五分 諮議局選舉須知一角 諮議局章程表解三九人人所必讀 無待贅言也 (河北大胡同電話)

◎警察 則警察講義錄十四冊 雖卷帙較繁 議員苟有餘力而兼治之 則受益無窮矣 尙有諮議局章程箋釋四冊 諮議局章程要義二冊 諮議局調查須知五分 諮議局選舉須知一角 諮議局章程表解三九人人所必讀 無待贅言也 (河北大胡同電話)

天津商務印書館廣告

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西商部註冊學
 考驗拉方結力俱高出外洋之貨且機器加大出灰足數主顧購用尙有製
 之紅磚花磚洋灰瓦水溝管矸子土等項無論躉零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

本號開設（北京前門外鮮魚口）（天津估衣街中間路北）（山東濟南府院西路北）等處
 自置綢緞洋貨顧繡粧蟒花素貢絨粧緞各色抖蓬哈叻厚呢以及京廣什貨織絨綫貨各色
 俱全貨高價廉劃一不二中外紳商賜顧移玉是幸
 瑞林祥元記具

日本最近政學調查記廣告

遊來游歷日本冠蓋相望日記一書浩如煙海求其見聞確實鉤玄纂要者每不多觀膠州逢
 馥齋觀察承項城袁樞相之命赴東攷察政治游歷匝年於政治議會察裁判
 監獄軍事學務農林漁業鐵道銀行無不各有心得洞見源流是以載筆成書原原
 本本網羅無遺復經日本大隈伯爵高田博士贈以序文推其典麗翔實得未曾有
 嘉應黃氏之日本國志德清傅氏之日本圖經外得此而三久爲各當道稱許現當
 預備立憲時代有欲研究政學者乎曷手一篇耶所印無多賜顧者請速購爲盼
 寄售處 天津河北獅子林北洋官報局 及各大書坊 定價大洋一元四角
 新考工場內路南教育圖書局

京師自來水公司提前付給官利廣告

查本公司定章二月會議三月付利原為年終結賬贏餘紅利諸待核算現在創始工程正在開辦股東會尚未成立且未開市售水並無紅利可結現蒙 上諭督憲按照奏案籌撥官款保息以昭大信業已如數撥到爰將各股東自交股之次日截至光緒三十四年年底所有應得八釐官利提前付給茲特與天津銀號商定代付官利辦法凡各股東有願在京城取息者不論當初係在本公司交股或在外埠交股均可到東安門外天津銀號照付其有願在外埠原交股處取息者聽惟此埠股東或願改赴彼埠取息者須預先一個月到原埠掛號聲明以便知會所指之處屆期照付免致不能接洽現定京城自正月十六日起外埠自二月初一日起請各股東攜帶息單分別到各該處支取息銀特此廣告再所有股票業於年前分寄各交股處倘有未經換取者請股東持收條迅速往換附以奉聞

付利處天津銀號住址

天津北馬路 張家口下堡大新店內
 北京東安門外 上海北市後馬路興盛棧內
 保定北大街 漢口永甯巷上首胡同昇首飾店對過
 唐山大街路南

利文洋行

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也



本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 日用雜貨俱全 學界文房用品 旋行攜帶等件
 精工裝身物料 定織各色蓆氈 如蒙官商光顧 價值格外從廉 貨多不能備載
 本行隨便入覽 電話一千三百七十四號 天津法租界 武齊洋行謹啓

京奉鐵路局廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如查有冒混或半路輾轉售票情事輕則照章究罰重則送由地方官懲治其各凜遵特此廣告

天津銀號廣告

本銀號代辦直隸公債所有光緒三十二三十三三十四第一二三三年各期應付本利銀兩業經照數分付並廣登告白各在案茲值本年宣統元年正月杪爲公債第四年第一期滿給還本利之期凡天津各票主請查照章程第七條持票至本銀號核取本年第一期本利銀兩且期滿之票並可任便抵納地丁錢糧鹽課關稅及各項稅捐已詳請 督憲照奏准章程通飭各屬不准留難需索務即持票對取現銀毋得自悞再如有本埠上三年到期未經支取各票本利銀兩亦可至本銀號驗票續發特此佈告

保定法政學堂新收官班開課日期廣告

本堂於光緒三十四年冬月經 藩憲以津保初次考試候補人員共取列三等八十名送入本堂肄業現屆開學之期舉凡考列三等各員限自登報日起至正月月底止一律親身來堂報到以便於二月朔日授課並查明員數攤分津貼如逾限不來堂報到即不能再行籌給津貼慎勿遲延自誤除函託 清苑縣 天津縣分別傳知外特此奉告

急 開市到七年紀念少算八扣

竹材傢俱屏風
花叢東洋花

天津日本租界旭街

澤洋行

告

自正月十九日至二月十八日間

電話三百五十號